



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

IZVJEŠTAJ O RADU

Udruženja inženjera i tehničara šumarstva Federacije Bosne i Hercegovine UŠIT FBiH za 2009. godinu

Planom rada UŠIT-a za 2009. godinu predviđeno je da se provede niz aktivnosti u cilju poboljšanja rada udruženja, ali i predstavljanja, popularizacije i popravljavanja imidža šumarskih stručnjaka i šumarstva u društvu. Planirane aktivnosti nisu u potpunosti realizovane.

Prezentiramo realizovane planirane i ostale aktivnosti:

Organizacija i finansiranje

U skladu sa ranijim zaključkom Skupštine UŠIT-a, a i povodom svjetskog dana šuma 21. marta, organizuje se Skupština UŠIT-a ovog puta u saradnji sa JP „Unsko-Sanske šume“. Treba nastaviti ovu tradiciju mjenjajući lokaciju svake godine.

Iako su planirane aktivnosti na formiranju podružnica, nije ništa urađeno. Potrebno je utvrditi metode na koji način obezbjediti veće učešće članova u radu UŠIT-a i organizaciji podružnica. Zadužiti članove UŠIT-a na kampanji ispunjavanja pristupnica i plaćanja pojedinačne članarine u Udruženju.

Održano je devet redovnih i jedna vanredna sjednica Predsjedništva u 2009. godini.

Što se tiče izvora finansiranja, realizacija po Sporazumu sa ŠPD/ŠGD je za ovaj period dosta teška, radi problema u preduzećima. Sve obaveze po Sporazumu redovno su izmirile jedino Unsko – sanske šume, a jedan dio prihoda se odnosi na prihode iz budžeta i ostale prihode.

U 2009. godini realizovana su dva projekta iz budžeta Federacije. Projekti su „Iso standardi u šumarstvu“ i prijevod knjige: „Lovstvo u Bosni i Hercegovini“, koja je podržana i od Kantona Sarajevo i Srednjobosanskog kantona/kantona Središnja Bosna.

Aplicirali smo sa italijanskom nevladinom organizacijom RETE-ONG iz Torina, na sredstva iz IPA fondova EU i očekujemo rezultate.

Takođe smo u saradnji sa Bosanskohercegovačkim šumama aplicirali sedam projekata iz ekologije kod UNDP-a.

Od 2009. god. Udruženje plaća zakupninu za korištenje kancelarije.

Zbog ekonomske krize na zahtjev ŠPD/ŠGD umanjeni su svi troškovi Udruženja i časopisa „Naše šume“ za 20 %.

U cilju uređivanja rada Udruženja, usvojeni su pravilnici o materijalno – finansijskom poslovanju i naknadama troškova za službena putovanja (po novim izmjenama zakona sve osobe koje nisu u stalnom radnom odnosu u Udruženju nemaju pravo na putne troškove i dnevnice), a u pripremi je Pravilnik o radu Savjeta i redakcije časopisa “Naše šume”.

Imenovana je g-đa Samira Smailbegović za portparola Udruženja što je znatno unaprijedilo predstavljanje UŠIT-a u medijima.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

U saradnji sa Hrvatskim šumarskim društvom imenovan je novi glavni i odgovorni urednik časopisa „Naše šume“, prof.dr. Dalibor Ballian, te izvršene dopune redakcije.

Važnije aktivnosti

Zajednički rad u Savjetu šumarskih udruženja Bosne i Hercegovine (SŠU BiH) je nastavljen u kontinuitetu i ove godine. Održana su tri sastanka.

Pripremljen je i potpisan „Sporazum o razumjevanju“ sa Mađarskim šumarskim udruženjem u Budimpešti.

Pripremljen je i „Memorandum o razumjevanju“ sa preduzećem Turske šume, čije se potpisivanje planira aprila ili početkom maja 2010. godine.

Predsjedništvo UŠIT-a je u više navrata razmatralo prijedlog nacrta Zakona o šumama FBiH i dostavljeni su primjedbe od kojih su neke i ugrađene.

Upućene su inicijative resornom državnim ministarstvu za formiranjem Ministarstva šumarstva na državnom nivou i formiranjem dijagnostično – prognozne službe BiH.

Predsjedništvo je uputilo „Otvoreno pismo“ povodom inicijative Ekonomsko-socijalnog vijeća za ukidanje OKŠ-a i primjedbe na Budžet Federacije BiH, što iako se prikupljaju u rashodovnoj strani nisu planirana sredstva za podsticaje u šumarstvu. Navedeni akt dostavljen je nadležnim institucijama Federacije BiH i medijima.

Organizovana radionica „Gender mainstreaming u šumarstvu“ u saradnji sa SNV-om i Gender centrom Vlade FBiH za sva preduzeća šumarstva i šumarske institucije FBiH u Donjem Vakufu u direkciji ŠPD „Srednjobosanske šume/Šume Središnje Bosne“.

Značajan dio aktivnosti sproveden je na organizaciji posjete Turskih šumara koji je realizovan u saradnji sa TIKA-om (Turska vladina organizacija u BiH) i ŠPD/ŠGD u oktobru, gdje je u sedmodnevnoj posjeti Federaciji BiH bilo pet kolega iz Turskih šuma.

Upućen je pismo Ministru poljoprivrede, vodoprivrede i šumarstva Federacije BiH da Predsjedništvo UŠIT-a predlaže, da se zbog signala sa terena o neprihvatljivosti teksta prijedloga Nacrta Zakona o šumama, procedura za donošenje novog Zakona o šumama, prolongira radi usaglašavanja stavova po bitnim pitanjima.

Upućen je dopis nadležnim institucijama FBiH u cilju provođenja zaključaka sa 110. sjednice Vlade Federacije BiH povodom Informacije o gospodarenju šumama za 2008. godinu i planovima gospodarenja u 2009 godini, te provođenja Zakona o šumama.

Organizovana je Vanredna Skupština Udruženja, radi aktuelne situacije povodom presude Ustavnog suda Federacije BiH broj: U-26/08 o povrijeđenosti prava općina na lokalnu samoupravu po važećem Zakonu o šumama – isticanje roka od 6 mjeseci za usaglašavanje Zakona o šumama FBiH, po presudi Ustavnog suda FBiH. Skupštini se između ostalih odazvao i veći broj zastupnika u Parlamentu Federacije BiH. Doneseni su zaključci koji su prosljeđeni nadležnim institucijama Federacije BiH.

Predsjedništvo Udruženja je uputilo poziv svim članove Udruženja šumarske stručnjake da se prijavljuju po Javnom pozivu Federalnog ministarstva poljoprivrede, vodoprivrede i šumarstva, za izradu Studija Šumarskog programa FBiH.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Udruženje se aktivno uključilo u pripremu i rad na sastancima Savjeta direktora ŠPD FBIH.

Izdavačka djelatnost

Iako je planirano štampanje četiri broja, štampano je dva dvobroja časopisa „Naše šume“. Osnovni razlog je nedostatak tekstova. Očekuje se veće angažovanje šumarskih i drugih stručnjaka kao saradnika. Ukoliko ne budemo izdavali bar dva broja godišnje u pitanje dolazi održavanje referentnosti lista u Bosni i Hercegovini, a što je daleko značajnije obezbjeđenje njegove referentnosti u Europi i Svijetu.

Potpisan je Ugovor sa CAB Forest-om u Londonu i časopis „Naše šume“ je međunarodno referentni list.

Udruženje je izdalo tri knjige u 2009. godini:

- Prevod knjige „Lovstvo u Bosni i Hercegovini“, koja je promovisana na Akademiji nauka i umjetnosti BiH
- „Primjena ISO standarda u šumarstvu“, za koju je organizovana jedna obuka u Kupresu, a predstoje obuke u Zavidovićima i Sarajevu.
- „Registar rijetkih, starih i historijski vrijednih stabala na području Tuzlanskog kantona“.

Redizajnirana je web stranica Udruženja i pokrenut forum na istoj.

Obzirom da još nije odobren budžet za izgradnju i uređenje muzeja šumarstva na novoj lokaciji „Bijambare“, rađeno je na prikupljanju građe i održavanju postavke u Fojnici.

ŠPD Šume Srednjobosanskog kantona/Šume Središnje Bosne su izrazile želju da otvore jednu muzejsku postavku u novoj zgradi u Donjem Vakufu.

Obrazovanje, seminari i savjetovanja

Obavljeni su razgovori sa načelnikom općine Ilidža i ministrom obrazovanja KS gospodinom Safetom Kešom u cilju pokretanja aktivnosti na obnovi Srednje šumarske škole na Ilidži. Zaključak je bio da nastavak aktivnosti po ovom pitanju preuzme Šumarski fakultet Sarajevo iz proceduralnih razloga.

Članovi UŠIT-a su uzeli značajno učešće na nizu manifestacija:

- Programiranje SNV aktivnosti za period 2010. 2013. god.
- Radionicama: „Gender Mainstreaming-a“.
- Edukaciji: “Brigom o vodama do ljepših i zdravijih šuma”.
- Seminar: Iso standardi u šumarstvu.
- Javnoj raspravi: Šumarski program Federacije BiH.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA
T.R.N.: 101101000430716 - Privredna banka Sarajevo
ID: 4200201050000; P.B.: 01078773

- Radno – konsultacijski sastanak u organizaciji Šumarskog fakulteta povodom aktuelne problematike u šumarskom i obrazovnom sektoru.
- Učestvovanje u radu grupacije šumarstva i drvne industrije Privredne komore FBiH.
- Manifestacija “Podjelimo vodu - podjelimo prilike” povodom obilježavanja svjetskog dana voda.
- Prezentacija projekta “Bespravna sječa u jugoistočnoj Europi”-Regionalni centar za okoliš.

Studijska putovanja, ekskurzije, manifestacije

U toku 2009. godine predstavnici UŠIT-a zajedno sa druga dva udruženja uzeli su aktivno učešće na 41. EFNS-u, Donovaly-Slovačka.

Članovi UŠIT-a su imali značajno učešće na 10. Internacionalnom sajmu šumarstva i lovstva „Silvaregina“, Brno – Češka Republika.

Konačno su ostvareni kontakti sa relevantnim predstavnicima Republike Turske u Bosni i Hercegovini TIKA-om (Turkish International Cooperation and Development Agency) i završena je posjeta Turskoj za 8 kolega u aprilu 2009. god.

U priličena je posjeta kolegama iz HŠD-a Hrvatske, ogranak Slavonija i kolegama iz Mađarske uz poziv za uzvratnu posjetu.

Sekretar:

Azer Jamačković

Predsjednik Predsjedništva:

Omer Pašalić, dipl.ing.šum.